



Kalaallit Nunaata kitaani avataasiorluni qalerallinniarnermi aqutsinissamik pilersaarutip nutarternissaa pillugu tusarniaaneq

06-10-2025
Suliap normua: 2025 - 9070
All. nr. 25714101

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

Kalaallit Nunaata Kitaani qalerallit pillugit aqutsinissamut pilersaarutip piffissaq atuuffia ulloq 31. december 2025-mi naassaaq, taamaattumillu taanna nutarterneqarnikuuvoq. Aqutsinissamut pilersaarut Aalisarnermut siunnersuisoqatigiinnit ilaasortaqtumit suleqatigiissitamit suliarineqarnikuuvoq, matumunnga ilaapput, Sulisitsisut, KNAPK, QAK, NUSUKA, Sustainable Fisheries Greenland, Royal Greenland A/S, Polar Seafood Greenland A/S, Sigguk A/S, Oceans North Kalaallit Nunaat, Aningaasaqarnermut Akileraartarnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Kalaallit Nunaanni aalisarnermut- Piniarnermullu Nakkutilliisoqarfik aammalu Pinngortitaleriffik. Aalisarnermut, Piniarnermut, Nunalerinermut Imminullu Pilersornermut Naalakkersuisoqarfik immikkoortortaavoq ataqatigiissaarisuunikuusoq

Aqutsinissamut pilersaarummik suliaqarneq junimi 2025-mi aallartinneqarpoq augustimilu 2025-mi naammassineqarluni. Tassunga tunngatillugu Kalaallit Nunaata Kitaani qalerallinniarneq pillugu piffissami 2021-2025 aqutsinissamut pilersaarutip aqqissuuteqqinneqarneranut tunngaviliisumik nassuiaammik aamma suliaqartoqarnikuuvoq. Nassuiaatip tusarniutiginerata nalaani tamanut saqqummiunneqarumaarpoq uanilu nassaarineqarsinnaassaaq apn.gl ([Neqitat](#)). Aqutsinissamut pilersaarut Naalakkersuisut akuersissutigissappassuk, ulloq 1. januar 2026 aallarnerfigalugu atuutilissaaq..

Kalaallit Nunaanni sumiiffinni Ikarsuaq Davisimi aamma Baffinnip Kangerliumanersuani avataasiorluni qalerallinnik aalisarnerup sinaakkusernissaa, aqutsinissamut pilersaarutip siunertaraa, taamaalilluni isumalluutit ataatsimoortut piffissami sukkulluunniit nungusaataanngitsumik aalisarneqartarnissaat Ilisimatuussutsikkut Siunnersuisoqatigiivisa siunnersuutigisartagaat naapertorlugit isumalluutit annerpaamik nungusaataanngitsumik iluanaarutigineqartassamat. Kalaallit Nunaata kitaata avataani qalerallinniarneq pillugu aqutsinermut pilersaarut 2017-miilli atuuppoq. Aqutsinissamut pilersaarut atuuttoq atuarneqarsinnaavoq uani Naalakkersuisut.gl ([Kalaallit Nunaata Kitaanni avataasiorluni qalerallinniarnermi aqutsinissamut pilersaarut](#)). Aalisarneq piujuartitsisuusutut Marine Stewardship Councilimit (MSC) uppersagaavoq.

Matumani aqutsinissamut pilersaarummi allannguutit nassuiarneqarput:

- Piffissaq atuuffiusoq allanngortinneqarnikuuvoq, taamaalilluni aqutsinissamut pilersaarut 2026-miit 2030 tikillugu atuuttussaalluni. Ukiunik tallimanik atuutsitsineq nalinginnaasuuvoq.
- Inatsimmut atuuttumut nutaanerpaamut inatsit nutartigaavoq. Tamanna isumaqarpoq, pisassiissutinik niuerutigineqarsinnaasunik nammineq pigisat pillugit allaaserisamik ilanngussisoqartoq, taamatullu qarasaasiamut allattuineq pillugu allaaserisamik aamma pineqaatissiissutitut unnerluussinermullu

tunngatillugu allaaserisamik ilanngussisoqarluni. Inatsimmik nutaamik ilaqartillugu ilanngussaq 1 nutarterneqarnikuuvoq.

- Allaaserisaaq 2-mi suussuseq pillugu uumassusillillu ataqatigiiaarneranni qanoq inissisimanera, taamatullu sinerissap qanittuani avataanilu qalerallit imminnut ataqatigiinnerat pillugit paasissutissat amerlanerusut ilanngunneqarput. Misiligummik tigusineq pillugu immikkoortoq ilanngunneqarportaaq. Tamanna angallatinut aalisarnermut peqataasunut piumasaqaatareerpoq.
- Immikkoortoq 3.1 Pinngortitaleriffiup ilassuteqareernerata kingorna ilisimatuussutsikkut siunnersuinermit allagaq allanngorneqarpoq. 2026 aallarnertigallugu siunnersuinermit periuseq nutaaq NAFO-mit tunniunneqartoq atulernikuuvoq, matumani amerlassutsimik aalajangersimasumik siunnersuisarunnaarput paarlattuanilli pisaqarnernik assigiinngiaartunik arlalinnik, aalisagaqatigiillu ineriartornerannut taakku aarlerinaataannik saqqummiussisalerlutik.
- Maanna Kalaallit Nunaata Kitaani ataasiinnarmik aqutsiveqarfeqalerpoq.
- Siunnersueriaaseq nutaaq aallaavigalugu siunnersuinerup apparsiarsimanera qaffariarsimaneraluunniit takuneqarsinnaanngilaq, taamaattumik allaaserisaaq 3.2 nutarterneqarpoq. Tassa imaappoq, taakku pisut immikkut ittumik suliniuteqartariaqalersitsisinnaasut paarlattuanik aarlerinartunut siunnersuinermit pineqartumut attuumassuteqartut siunnersuummi takuneqarsinnaavoq. Uumasooqassuseq Btrigger-imut qanillippat inulerpaguluunniit, uumasooqatigiit ikiliartornerinik paasineqassaaq tamannalu siunissami aalisarnermut kalluaasinnaassalluni. Taamatullu pisoqassagaluarpasit immikkut ittumik iliuuseqartoqarsinnaanissaa pillugu aalajangersaasoqassaaq.
- Immikkoortoq 3.2.2. Pisarineqarsinnaasut tamarmiusut pillugit agguassinerit nutarterneqarput taamaalluni inatsimmi oqaaseqatigiinnut ataqatigiisilersitsisoqarpoq.

Sulinermut pitsaasumut angusaqarfiulluartumullu suleqatigiissitaq Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup qutsavigerusuppaa.